

مدیری: ابن السری  
احمد جودت

مؤسی: ابن السری  
مصطفی نامق

# آشیان

ادبی، علمی، سیاسی، اجتماعی، فنی، اخلاقی هفته لقم مجموعہ در

پنچشنبہ

ایکنجی جلد

نومرو ۱۵

برنجی سنہ

۱ ذی الحجہ ۱۳۲۶

۱۱ کانون اول ۱۳۲۴

داهی اعظم عبدالحق حامد بکک صوگ فوطوغرافلری

مندرجات :

|                            |                      |                           |                        |
|----------------------------|----------------------|---------------------------|------------------------|
| عبدالحق حامد . . . . .     | توفیق فکرت . . . . . | صوغوق کیچہلر . . . . .    | امین بلند . . . . .    |
| شہل ۴ پردہ . . . . .       | حسین سعاد . . . . .  | برومس بیله تلری . . . . . | ا. جودتی . . . . .     |
| توریرمالل . . . . .        | حسین سعاد . . . . .  | ایکی مبعوث . . . . .      | عمرسیف الدین . . . . . |
| میعونلری استقبیل . . . . . | علی سعاد . . . . .   | قادرین روحی . . . . .     | جیل ساییان . . . . .   |

استانبول

محل اداره سی: جفال اوغلندہ دائرہ مخصوصہ

آرتین آصادوریان مطبعہ می

۱۳۲۴



تقریر مالد

— ۷ —

کوز یاشلری

ای دیده حواده کی کوز یاشلری، ارثاً  
کچدی آجی حسله زهرلر بزه سندن .

بزدن ده سن اخفاده کچوب جان یاقه جقسک  
کوزدن کوزه برنالش حسله آقه جقسک .

طوغق ، یاشامق ، اولمک ، ازلمک ، هله سومک  
هپ کوز یاشیدر . بمضی قورو بردیلیم اکمک

اوستنده واردرینه برقطره زاری  
هرشکل حیات، ایشته اونک مهدومزاری .

یوزلرده کی ساخته کولشی، ماسکی قالدیر،  
کوز یاشلرینک باقنه آجی ایزلری واردر .

بروالده مهجور اولنجه بیکندن  
روحي ناصل اغلارایسه تا کوز بیکندن

شعر مده کی یاشلرده او حسله دوکوملر  
هر رشته نالامه برقطره مغبر .

هر قافیه برکوز یاقیجی قطره بولنجه  
برکل اچار آفاق ملولده کی غنجه .

برکل فقط اوستنده کی شبنم کی شیلر  
کوز یاشلریدر دیده شعرك مستیلر .

آغلار سهق اکر - بن وشعر - اون سنه اول  
روحله اوپوب قوقلادیتم برکو چو جک آل

در حال اوزانیر صوکرده بر مندیله، اوت سن  
هر قطره هجرانی سیلرسک کوز مزدن .

سیلجکه زهر لر آقیتیر بدن اومندیله،  
کوزیا شلرمی طومتق ایچین روحی کل سیل .

— ۶ کانون اول ۳۲۴ —

حسین سعاد

### مبعوثلری استقبال

وطنک پایتخته کلدیگر . میلیونلرجه افراد امتک امناسی، وطن عزیزک حجت  
حریتی، شهود مغنویانی، مدافع شان و شرفی، شاهد عهد و پیمانی، حمله امید آییسی  
اوله رقی طوپلاندیکر .

سزی درین بر اشتیاق ، بویوک بر صمیمیتله قارشیلارز .  
اشتیاق ! چونکه سز اوتوز سنه اولندن کله جکدیگر ! . . .  
صمیمیت ! چونکه سز ، بزسکر . اک یقین ، اک خالص اقر بامز ، حق  
قارده شلرمز ، بابالرمز سکر . . .

سزک کله جککزدن قورقولمادیفی زمان مظلومه ، بو کوردیککر شن وشوخ  
مملکت، بوقرون وسطی ایله اعصار اخیره نک حد فاصلی اولان تاریخ فتوح وعظمت،  
سس سز صداسز، املسز، روحسز، بر محبس فلاکت، بر خرابه ظلم و ذلت ایدی .  
شمیدی ایسه ظاهری پثر مرده، فقط سنیه سی فیض حریتله دولو شو کوردیککر  
لاابالی هیئتیه سزی استقبال ایده جک قدر قوت بولدی ؛ وقورمتین اولدی . . .  
بو شهر بلندک سوقاقلری ، صوک زمانلرده دیلسز مظلوملرله قانلی ظالملرله